

精校池北偶談

冊八

精校池北偶談

卷八

池北偶談卷二十四目錄

談異七之五 凡六十則

一家完聚

沈眼方

孫文定

采人獲

端肅拜

白驪異

兩裴迪

餘聞錄之訛

郭文毅

范忠貞

箐鷄

井溢

黑牡丹

文昌閣觀

無上將軍

庫庫

偏諸

趙康敏

關索

治傷傷

男子生子

白海棠

三相女

異姓

黃單

禾山寺顏書

女化男

挑戰

樂毅集

短人

范祠馬

萬歲

師資

六丁

銀杏

墨芍藥

邵進士三世姻

劉大成

舞蠅虎

熟洛河

塞少保

張道人

龍異

銅人

張巡妾

趙廷鑑

顧東橋

恪妃

賽從儉

二狼石

水蠶

老神仙

賀相國

日者

荷蘭刀劍

山溪烈婦

童謠

御馬

斷腸草

河套喇嘛

池北偶談卷二十四

濟南王士禎阮亭著

一家完聚

高都姪廷掄蘭菴較

談異

浙東亂時諸暨陳氏女年甫十六為杭鎮撫什庫所得鬻於銀工工逼之堅不肯從杭人郭宗臣朱瞻生尚御公者勸義贖金以贖難民知女之義贖之方至忽友人某贖一童子問之即其夫也翌日贖一嫗至乃其母也繼又贖一嫗至其姑也有兩翁覓其妻跟跪至門即其父與翁也兩家骨肉一時完聚詢之蓋將於十二月二十四日婚而兵忽奄至遂被掠云三人具衣袍治酒肴為之合卺給裝而歸之人以為女子貞節所感

關索

雲貴間有關索嶺有祠廟極靈云明初師征雲南至此見一古廟廟中爐石插鐵箭一鈹其上曰漢將關索至此雲南平遂建關索廟今香火甚盛月山叢談雲南平夷過曲靖晉寧過江川皆有關索嶺上各有廟蓋前代凡遇高埠置關關吏備索以挽舁者故以名耳傳訛之久遂謂有是人而實妄也

洗眼方

右通政袁密山歸廣西平樂人嘗傳一洗眼方云宋元豐間某太守年七十雙目不明遇仙人傳此方洗一年目力如童子錄之如左 每歲立冬日採桑葉一百二十片懸風處令自乾每月用十片水一椀於砂罐內煎至八分去渣溫洗每洗眼日清淨齋戒忌葷酒正月初五日二月初一日三月初五日四月初八日五月初五日六月初七日七月初七日八月初八日九月三十日月小則廿九日十月初十日十一月初十日十二月初一日

治鳥傷

凡鳥翅足折喂以芝蔴仍嚼爛敷患處即差見客座新聞宋三館書目有味似麥漱二卷皆養鷹之法具醫療之術

孫文定

益都孫文定公鏌世居顏神鎮為童子時常五鼓入塾道遇一長人如方相狀目睢盱可畏直前欲搏之公方悚懼自覺身驟長與之等且搏且却至孝水西岸玉皇宮其物忽不見公又常讀書齋中有狐貽金豆數枚而去其家有金豆山房至今存焉

男子生子

福建總兵官楊富有孽童生二子楊子之名曰天舍地舍魏惟度憲親見之楊歷官江西提督近樂陵男子范丈仁亦生子內兄張賓公贊親見之

采人獲

本草圖經人獲一極至四極各五葉今遼東采獲者識其苗不語急以緯簾絳帽覆其上然後集人發掘則得獲甚多否則苗條不見發之無所得禮斗儀云下有人獲上有紫氣理或然也康熙戊午予直內庭曾應制賦御苑人獲詩親觀其樹唐人詩咏人獲者絕少惟韓翃云上黨人獲五葉齊溫岐云松刺流空石差齒煙香風軟人獲藥

白海棠

范烈女者易州范良鼎女許字田未婚而夫死烈女聞之即自縊庭前有海棠一株方花時甚穠豔女死花忽變白一時文人奇之多為賦詠云

端肅拜

周禮九操其一曰端肅操今人止以為婦人之禮近見元人題跋末亦有書端肅拜者猶有古意

三相女

李騰空林甫女得道廬山李太白有送內往廬山尋女道士李騰空詩金陵張可度詩所謂父居黃閣女崆峒流水桃花石室中是也茅山有秦檜女繡大士像甚靈異居人不敢托宿見將說王安石女最工詩見覺範詩

云曰此浪子和尚耳見吳曾漫錄又蔡下妻亦安石女有文三奸皆有如此女子亦一奇也

白驃異

濮州兵侍穀原蘇公祐總督宣大時一日聞邊警親率偏師出塞禦之戰屢與衆相失敵追急馬蹶而死正倉皇間忽山上一白驃馳下公躍而乘之得馳入塞既至驃忽不見敵退遣人至其山跡之山有文昌祠白驃宛然在焉

異姓

近所聞見異姓再識如左 若干昭涉詩移絮茹節棧晃招產腰閉坑縮維防戲波友是蟲驚多奴栗竹針線團圓續羸校友迨旦俾俳問風西弟諒抗朗晃角細答扁銀教興行賞彥要覺處直睢匿焉見猶玉環星卻是汝式土袒駟鈔樹 又甲子科山西舉人有因必芳曲沃人降繹介休人又奉和縣早禾市巡檢通修紀涿州人廣德州杭村巡檢鑿鑛河南人

兩裴迪

唐有兩裴迪一大寶詩人與王維杜甫友善一為王鐸辟租庸招納使朱溫鎮宣武辟節度判官既篡位拜右僕射溫自岐還將吏皆賜迎鑾叶贊功臣入見溫目迪曰叶贊之功惟裴公有之見五代史雜傳

黃巢

黃巢自長安遁歸奔於太山狼虎合為其甥林言斬首送徐州其死明甚乃小說杜撰稱其遁去為僧依張全義於洛陽曾繪已像題詩云記得當年草上飛鐵衣著盡著僧衣天津橋上無人識獨倚闌干看落暉按此詩乃元微之贈智度師絕句特改首句三陷思明三突圍為云耳此宋陶穀劉定之說癸辛雜志又云即雪竇禪師實退錄亦已辨之為此言者真亂臣賊子之尤也

餘聞錄之訛

餘聞錄記湖州吳進士為父乞壽詞於李西涯西涯不許吳問人曰今爵位大於西涯者誰耶曰太師英國公

張輔也吳具幣求英公英公令門館作詩與之吳得詩誇於人云黎槐曾壯筆記亦載其事不知英國公輔死土木之難與李相去甚遠黎博雅君子亦仍其謬何也

禾山寺顏書

永新縣禾山寺傍有顏魯公書龍溪兩大字鐫於石壁方廣徑丈數百年以來石壁如故而二字每年輒徙下今離地不二尺矣

郭文毅

郭文毅堦貴盛時與漢陽老孝廉劉某者為姻一日劉之女蒼至郭郭氏殊不知禮歸而訴之孝廉鬱鬱以歿既數十年矣明末獻賊屠武昌城市人民稀少有人入城過城隍廟見懸一牌云郭正域劉某一案候審時正白晝硃墨如新漢陽宗姪孟穀箴說

女化男

嘉靖中山西男子李良雨化為女子事載前史近見仁恕堂筆記莊浪二事甚奇一紅塵驛軍莊姓者婦寡有一女己字人年十二忽變為男子女羞不能自明及就婚其夫覺而聞之官乃以聘禮還之夫家聽其別娶而夫之母憐女之婉孌又以其女歸之今名莊啟盛現為莊浪廳書役丁巳秋又有莊浪女子十五歲亦化為男與莊事僅隔十年皆在莊浪亦異聞也

范忠貞

范忠貞徽撫浙日杭之西溪有虎攫人遣卒往捕一日自詣水月和尚卜之告以故和尚答云山頭大蟲任打門內大蟲休惹范不悟而去未幾遭閩督遇逆藩之變竟以身殉始悟門內大蟲之語

挑戰

挑戰二字見左傳宣十二年趙旃請挑戰弗許唐人詩屢用之類要云兩陣既立各以將出鬪謂之挑戰劇談錄白敏中興師討吐蕃有酋帥衣緋茸裘乘白馬出陣頻召漢軍鬪將有潞州小將善射馳馬彎弧而出射中

其項抽短劍踞於鞍上脫緋裘金帶奪馬而還又季臨淮將白孝德斬賊將劉龍仙事亦相類又五代史周德
德威傳有陳章者號陳夜叉乘白馬被朱甲以自異求陽五欲生致之德威出挑戰禽之唐宋已來實有闢將
之事非盡稗官之妄說也

簪雞

簪雞產水西長尾白羽羽之周遭黑文緣之如澹墨所畫或畜之見人輒避去終不馴擾門人黃自先說官平
遠府通判云然

樂毅粟

樂毅粟產吾鄉大倍常粟云是樂毅伐齊所遺種也太平廣記所載有王母仲思等名又有安期粟梁國夫人
東西京雜記上林有西王母粟出崑崙山而不及此先方伯羣芳譜云樂氏粟豐肌細核多膏肥美舊傳樂毅
自燕攜米太平寰宇記濰州貢毅氏粟今青城縣產無核粟一名虛中即西京雜記之枵粟也上林又有顏淵
李出魯國

井溢

康熙二十四年長山一廢寺有池水忽大溢衆往視之有物如牛伏池中人不敢逼次年鄒平郭莊居民院中
井鳴如牛吼水忽上溢祭之乃止

短人

丙寅春長山之苑城周村間有短人長可尺許鬚眉手足皆具能按拍而歌問之云年三十餘矣豈巨靈僊
之類耶

黑牡丹

曹州牡丹品類甚多先祭酒府君嘗往購得黃白綠數種長山李氏獨得黑牡丹一叢云曹州止諸生某氏有
之亦不多得也

范祠鳥

長白山醴泉寺即范文正公讀書處祠在佛殿東偏康熙間秋霖決司祠上漏下濕公像獨不沾濡寺僧疑而竊窺之有大鳥張兩翼翼上有火光正覆其上天霽遂失所在

文昌閣鶴

濟南府學文昌閣有二鶴巢其上一日朔西郊為一軍士射中其脰此鶴每帶箭出入人皆見之偶中丞閱軍將士皆集轅門此軍方負牆立鶴忽飛翔其上矢墜焉軍士異而取之俄覺耳中癢不可忍試以箭鏃搔之牆忽壓焉鏃深入不可出軍士歎曰此鶴報怨也吾其死矣數日果死

萬歲

後漢書韓稜傳實憲為大將軍威震天下尚書以下議欲拜之伏稱萬歲稜正色曰禮無人臣稱萬歲之制乃止然馬伏波傳吏士皆伏稱萬歲又吳良傳注東觀記曰門下掾王望詔稱太守功德掾史皆稱萬歲

無上將軍

庚撫傳建康元年陰陵賊徐鳳自稱無上將軍有進傳帝轡躬擐甲介馬稱無上將軍行陣三匝而還人主自稱將軍與明武宗先後一轍至與劇賊同號尤可異也

師資

老子曰善人為不善人之師不善人為善人之資資之云者如詩小雅他山之石可以攻玉之義今俗謂受業為師同學為相資語蓋有本然以同學為不善義亦可商師資之情後漢廉范對明帝語

庫庫

松江有庫公山庫音舍字書注姓也後漢實融傳金城太守庫鈞按融傳章懷太子注引前書音義曰庫氏即倉庫更後也本王嘉上哀帝疏今羌中有庫姓音舍云承鈞之後風俗通云古守庫大夫之後以官為氏然則庫鈞之姓為武夜切為苦故切漢書注亦未足其音訓氏族博考云庫氏有二漢倉氏庫氏以官為氏又河南

官氏志庫傳官氏改為庫氏則是苦故切之庫又有二族矣奇姓通收入去聲禱韻從舍音辨賦城切守廣引
是兩字兩讀因章條注
雙引之混不可辨耳

六丁

祭酒舊不一二年輒遷去春秋丁祭無過四者順治中淄川高念東侍郎所為祭酒久不遷一日至閣洪文襄
嚙戲謂曰高先生可謂五丁開山矣高笑對曰無妨六丁六甲果三年始遷去予在成均迄四載始遷少詹戲
為口占寄先生云嘉話曾聞設六丁任教人笑鈍司成六丁今日還加二始信前賢畏後生然此官清閒實宜
恬靜南史丘靈鞠有言人居官願數遷使我終身為祭酒不恨也獨學舍稟給皆久廢用兵已捐資者率許
在籍肄業期滿該省布政使司徑送吏部銓授雅中人才寥寥餐為題耳

偏諸

治安策今民賣僮者為之繡衣絳履偏諸緣又云白縠之衣薄紈之裏縵以偏諸服注曰如牙條以作履緣顏
曰偏諸若今之織成以為要襖及標領者也杜詩客從西北來遺我翠織成錢注引廣雅天竺有細織成宋書
禮志諸織成衣帽錦帳純金銀器雲母從廣一寸以上皆為禁物高麗史獻織成衣襖弓劍按于美詩題乃太
子張舍人遺織成褥段蓋褥帳衣帽要襖標領皆有織成而偏諸以為衣履之緣者乃織成之一耳

銀杏

鄉大夫有好為雅談者問鄰縣一友人云聞貴鄉多銀杏然否友人不應問再三不已旁人皆匿笑終不悟蓋
銀杏淫行也音同又江淮間一御史疏陳水患內云臣鄉下流之下流人亦傳以為笑

趙康敏

壽光趙康敏公訥故弟為裔孫所嚮屢易主矣居者每見朱衣人於堂中輒病後某官張姓者居之初入宅復
見朱衣人悲叱咄咄張設拜遙謂之曰公孫自不肖不能守先業此宅且數易主人與某無與公生為名卿
何不達而屢此見崇耶言甫畢朱衣以袂掩面入壁而沒自是不復見

墨巧藥

館陶人家有墨巧藥與曹州黑牡丹皆異種

邵進士三世姻

同年濟寧邵士梅字暉順治辛卯舉人登己亥進士自記前生為栖霞人姓高名東海又其妻某氏死時自言當三世為夫婦再世當生館陶董家所居濱河河曲第三家君異時官罷後獨寓蕭寺繙佛經時訪我於此後謁選得登州府教授一日檄署栖霞教諭暇日訪東海故居已不存求得其孫某為置田宅已而遷吳江知縣謝病歸殊無聊賴有同年知館陶縣因訪之館於蕭寺寺有藏經一部寂寥中取閱之忽憶妻語隨沿河覓之果得董姓者於河曲第三家家有女未字邵告以故且求縣宰縱與娶焉後十餘年董病且死與邵訣曰此去當生襄陽王氏所居濱江門前有二柳樹君幾年後訪我於此與君當再合生二子邵記其言康熙己未在京師時屢為予及同年傅侍御彤臣潘吏部陳伏調言之

賽從儉

文登人賽從儉卜地葬親於黃山南有鄰某者陰圖其地夜遺地主金老嫗赴塋忽迷失道有二童子執炬前曰嫗欲往賽氏塋乎吾為嫗導中途謂曰此地誠善但汝家不能有賽氏當世科第天啟之也言已忽不見嫗乃在海港中及覓路至塋所則既葬矣嫗悔述其故從儉曰汝言果不妄吾子孫有仕宦者即以千金為贈書其言於券末後從儉知三河縣子孫多仕郡縣皆不負約康熙丙午元旦五更時近村人遙見塋前有二炬遠行曾孫玉絃以是秋舉鄉試明年登第己酉元旦復然玉絃子璋以是秋舉鄉試明年登第

劉大成

天啓中文登生員劉大成以儒醫著德為鄉黨所推重修學宮鑿泮池得一石函啓之有女髻釵釧為從壘北城隍上次日得一瓶中貯竹漿外勒八語云浜人花母劉支竹漿一七濟人廣嗣功長南文煥發北屋城隍安予之靈云云自後劉以竹漿施病者輒愈享年八十餘生六子諸孫科第甚眾

二狼石

京口北固山甘露寺有狼石臨潼驪山亦有狼石皇甫湜狼石銘曰狼石蒼蒼驪山之旁昔秦皇帝謀之不臧七十萬人茲焉遑遑是也今人但知甘露寺矣

舞蠅虎

書言百獸率舞傳記所載如舞馬舞象舞鸞舞鶴之屬不一杜陽雜編載唐穆宗朝獻宗飛龍士韓志和本倭國人於御前出一桐木合方數寸中以丹砂養蠅虎子其形盡赤分為五隊令舞梁州上召國樂以舉其曲蠅虎盤迴宛轉無不中節每遇致詞處則隱隱如蠅聲曲終累累而退若有尊卑等級者然又續癸辛雜志臨安呈水嬉者以大斛貯水小銅鑼為節凡龜鱉鰕魚之類皆名呼之即浮水面戴戲具而舞觀此則蟲豸水族皆能舞不獨鳥獸矣

水蠶

吾鄉山蠶食椒椿柘諸木葉而成繭各從其名故相國益都泚亭孫公鏐作山蠶說曲盡物性文多不錄唐小說載元和八年大軫國貢神錦衾水蠶絲所成云其國以五色石焚池塘採大柘葉飼蠶於池中始生若蚊睫游泳其間及長可五六寸池中有挺荷蠶經十五日即跳入荷中成繭自然五色亦謂靈泉絲山蠶水蠶皆物產之異

熱洛河

盧氏雜說明皇射鹿取血煎略賜哥舒翰及安祿山謂之熱洛河祿山帳下健兒名曳落河恐因字音相近而傳會其說今齊魯間以蕎麥作麵食名河洛俚名亦有所本

老神仙

獻賊軍中有老神仙者本鄧州陳氏子少遊終南遇一道士授異術能生死人後為獻賊所得賊監軍孫可望被酒丹其嬖妾以刀圭藥投之立起於是賊中呼為神仙既而獻賊誤丹其愛妾洞脇潰腹復俾陳活之納其

賜以鍼紉之傳以藥夾以木版以繩約之七日而甦獻賊敗入滇以病死

蹇少保

明少保薊遼總督蹇公達字汝上四川巴縣人自記前兩世為某衛指揮以墜馬死往生山西某府趙氏名某登進士官至重慶太守與邑紳某公來譽善一日蹇設席召守飲守方坐堂皇聞吏白蹇公有使邀請即出就輿甫出門見大河阻路方異之若有人推墜河中驚而寤室廬非故而形軀已小在襁褓中家人報蹇公入視曰男也繼又傳報趙太守以痰病死矣蹇公為出涕自往護其喪尋送夫人及二子歸里心皆了了然無可奈何以義斷割早成嘉靖乙丑進士自禮部郎出為故郡太守兩子已長以通家禮來謁欲言不可姑隱忍之惟時時存卹其家居三年遷山東提學副使乃詣故居致辭夫人請見不禁泣下夫人亦泣以通家故不知固即其夫也及兩子送至境始屏人告以前生事執手泣別而訣

賀相國

明相國對揚賀公黼崇禎中枚卜詣京師舟至九江之鱖魚嘴風浪大作公具袍笏拜禱舟上人忽見空中有緋衣神人執一黑鬼投水中風遽息公設祭大王廟以答神佑自是香火益盛日宰羊豕無算十三年靳王欲興復為仰道場延三昧律師入楚過九江夢神告曰某九江神宋大王也前生與師及賀相公三人同在山中修道師不昧正因今為大師賀以福緣為宰相唯某一念之差為血食之神昨因鱖魚嘴樹妖欲覆賀舟某以前世因救之緣此宰殺日繁將來必墮無間地獄師明日過此必至廟中為我授記更布其事於四方使來禱祀者戒宰殺幸甚師如其言自是鱖魚嘴行旅坦然矣此與冷齋夜話所記衡亭湖神託安息國王王子建洪州大安寺事相類

張道人

商丘高辛鎮有道人嘗周遊歸德屬邑貌類少壯雖長老自童幼見之形容不改莫知其年自云張姓鹿邑人居少林若千年武當若千年勞山若千年屈指百數十年矣一日募修某祠廟需石灰千斤人問所出曰自有

之忽至一寡婦姑媳門求布施以婦且貧辭道人曰門前槐樹旁有灰三千斤何云無也如其言掘之果然或問曰渠先祖建樓所餘我常見之其家不知也頗能前知有問之者則曰我是顛子我是顛子日可行三百里崇禎末袁賊亂梁宋間致道人縛置地上驅所掠婦女裸體淫之遂敗其道日行僅百五六十里亦穀食矣語人曰譬桶子已破再極便難

日者

宜興陳其年^維年四十餘尚為諸生一日過京口有日者謂之曰君年過五十必入翰林宣城梅杓司^磊因贈以詩曰朝來日者橋邊過為許功名似馬周至己未果以諸生應博學宏詞薦授翰林院檢討時五十六又有范駢者字文園善相人謂武進周清原吳江徐鉉皆當不由科甲入翰林已未皆授蘭討其言良驗范海寧人驥字文白之弟也

龍異

康熙壬子歲吾邑李蟾副仲聲^鴻家日正午忽有一物蜿蜒數尺鱗鬣可畏遍體如金色爛然奪目自院中入所居之室已復出形漸長大知其龍也忽雲霧滄然如烟雲庭中晦冥遂不見伊中丞翁菴闕云

荷蘭刀劍

康熙六年荷蘭國入貢其貢物有刀劍八枚皆可屈伸縈繞如帶劍俠傳載神護畜一劍可屈置盒中縱之復直張景陽七命論劍曰若其靈寶則舒屈無方斯之謂歟

銅人

聞西洋人欽天監管理監事加工部侍郎南懷仁言自大西洋入中國凡十萬里海舶甚巨海口有銅人高不知其幾由海舶出其膝下或出其脇間乃入海洋不知何由鑄造也

山溪烈婦

旌德縣地曰山溪有民家女某氏嫁甫數月夫死無子又無舅姑伯叔遂歸母家誓不更適人久之其父母私

受鄉人聘旦夕且娶女覺之自請於父母父母不能隱遂告以故女欣然曰嫁則嫁矣明日當一辭夫墓耳許之乃歸房中晨起理粧易新衣內衣皆自縫紉行至溪上時山水暴漲女顧之喜至橋半急踊身入水死乘流數里冒岸樹而止有石工某見之欲褫其衣衣結不可解忽以手自批其頰曰吾以父母欲奪吾節而死汝小人輒敢無狀吾褫汝魄矣語畢而死觀者莫不歎異父母為合葬故夫墓焉

張巡妾

徐諤字吉人會稽諸生年二十五得痼疾痛不可忍年餘痼能作人言瀕死時見一白衣少婦問曰君識張睢陽殺安事乎君前生為睢陽吾即睢陽之妾也君為忠臣吾有何罪殺之以饗士卒吾尋君已十三世矣君世為名臣不能報復今甫得雪吾恨言訖婦不見諤亦隨逝庚申在京師其門人范思敬說

童謠

萬曆壬子山東鄉試濟南童謠云三人兩小太陽離島是科解元乃長山徐海曙日升也又某科有童謠云山佳木一旦挑上天差我送羊角是科解元平度崔桓也康熙庚子又有童謠云一畧針三條絲是科解元新城李嗣真解副益都高三思也天啓辛酉朱純領解亦有一牛兩尾之謠

趙廷鑑

順治甲午有某生者應試濟南瀕入闈

死但胸前微暖及出闈僕忽蹶然而起生問之云適隨主人入

棘闈見號舍有紅黃二色旗主人所居之舍則紅旗也生喜曰果爾當娶某氏女妻汝僕難之生曰吾既為孝廉何慮彼不嫁其女乎既入二場其僕又死如前比出復甦連呼可惜可惜生急問之曰主人已中解額因昨日一言今易萊陽趙廷鑑矣生然疑且半私心悔之及榜發榜尾

萊陽趙廷鑑也

御馬

供奉周道言御廄有千里馬毛色純黑惟顙及四蹄白長可一丈腹有逆鱗高麗所貢也

顧東橋

何元朗叢說載分宜嘗邀顧東橋樂工盈庭六七十人東橋顧從人賞銀五錢遣之明日邀六卿則聽命如小生賞賜各二三兩比年各省督撫中丞宴監司賞伶人多至四十金或六十金視分宜當日不啻什倍矣

斷腸草

康熙庚申春有徽人方姓者商於都門與其徒八人合資累千金往江南次河間之南腰站宿焉其八人者與驛夫先食方以齋素獨後忽一人且食且語曰斷腸草如是者三方惟而問之曰君知食中有斷腸草乎宜勿食其人曰然隨視驛夫已如中惡狀仆地矣方急呼衆人皆傍躬而身自走通衢呼集居人召醫視之曰中毒也急解之皆甦而驛夫食獨多遂不救方因問某曰食時若有人在後告以斷腸草者三聽其語隨出諸口初不自知也諸商欲鳴之官居人力挽之僅以百金賂驛綱其主人竟漏網道路間不可不知

恪妃

世祖皇帝恪妃石氏灤州人戶部侍郎申之女也申父維嶽明萬厯庚戌進士官某省副使會王府中官某謁其王反誣其妃某弑逆撫按以下皆納其賄將具獄矣維嶽獨持不可力雪妃冤至是申生恪妃竟入宮掖人以爲妃之報云

河套喇嘛

嘉禾譚舟石璫延綏鎮志云套中最高佛教距榆林三百里外爲研抱山山左有水曰河泥津古羅石有泉曰法兒烏蘇中有寺曰堵王延袤可十里兩水環其前而合流其地名曰板升社寺中住持則板地兒得喇嘛也寺一門二殿門名哈喇哈殿亦覆以琉璃瓦殿名藏中塑大喇嘛像傍皆供藏佛第二殿名堵王中亦塑大喇嘛像稱曰補兒罕板弟子譯言佛與祖師也楹之東爲蓮花佛佛身高二尺頂湧一蓮莖長可五寸許製甚巧有機捩之開便成蓮莖上坐一二首佛花瓣中亦各有一佛卧焉楹之西爲馬頭佛一佛坐以俟馬頭佛頸中掛三十六鬼頭數珠貌甚猙獰當面飛來若欲撲噬狀坐佛作歡喜容仰手舒臂迎之復以兩足鉤出其後是曰佛度而鬼頭者皆以銀鑿成也傍皆供小藏佛設木龕三層大小參差無數四壁皆畫天神及諸菩薩而金